

ՎՐԱՍՏԱՆԻ ՆԱԽԱԳԱՀԻ ԱՄԵՆԱՄՅԱ ԶԵԿՈՒՅՑԸ

ՍԱԼՈՄԵ ԶՈՒՐԱԲԻՇՎԻԼԻ. «ՄԻԱՅՆ ՀԱՄԱՏԵՂ ԶԱՆՔԵՐՈՎ ԿԱՐՈՂ ԵՆՔ ՀԱՄՆԵԼ ՅԱՆԿԱԼԻՒՆ»

Մարտի 14-ին, Վրաստանի նախագահ Սալոմե Զուրաբիշվիլին ամենամյա զեկույցով հանդես եկավ երկրի խորհրդարանում: Նախագահի ամենամյա հաշվետվությանը ներկա էին Վրաստանի վարչապետ Իրակլի Դարիբաշվիլին, երկրի գործադիր իշխանության, Վրաց Ուղղափառ եկեղեցու պատրիարքարանի, երկրում հավատարմագրված դիվանագիտական կորպուսի, հասարակական կազմակերպությունների, ստեղծագործական միությունների, լրատվամիջոցների ներկայացուցիչներ:



Վրաստանի խորհրդարանում երկրի նախագահ Սալոմե Զուրաբիշվիլու տարեկան զեկույցն սկսվեց մեկ րոպե լռությամբ եւ Ուկրաինայի օրհներգով:

Ապա՝ նախագահ Սալոմե Զուրաբիշվիլին եւ խորհրդարանի նախագահ Շավլա Պապուաշ-

վիլին համերաշխություն հայտնեցին ուկրաինացի ժողովրդին:

(Շարունակությունը՝ 4-րդ էջում)

ԻՐԱԿԼԻ ԴԱՐԻԲԱՇՎԻԼԻ. «ԿԱՐԾՈՒՄ ԵՄ, ՎՐԱՍՏԱՆԻ ՆԱԽԱԳԱՀԸ ՄՈՒՐՈՒԹՅԱՆ ՄԵՋ Է...»

Վրաստանի վարչապետ Իրակլի Դարիբաշվիլին, մեկնաբանելով Վրաստանի նախագահ Սալոմե Զուրաբիշվիլու մարտի 14-ին կայացած ամենամյա հաշվետվության արժարժած որոշ թեմաներ, պատասխանելով լրագրողների հարցերին, ասաց, որ երկրում սահմանադրական կարգի ապահովումը բխում է համրային շահերից, եւ այս հարցում ցանկացած ինքնագործունեություն ուղղակի անթույլատրելի է:



- Այսօր, երբ մեր պետությունն ու ժողովուրդը, աշխարհի հետ միասին, կանգնած են նման մեծ մարտահրավերների առաջ, երկրում սահմանադրական կարգի ապահովումը բխում է գերագույն հանրային շահերից, ինչը, իր հերթին, նշանակում է՝ գործել բոլոր սահմանադրական մարմինների եւ հաստատությունների հետ խիստ սահմանված լիազորություններին շրջանակում: Այս հարցում ցանկացած տեսակի ինքնագործունեություն ուղղակի անթույլատրելի է, ընդգծեց Իրակլի Դարիբաշվիլին:

Ըստ վարչապետի, հավանա-

կան է, որ Վրաստանի նախագահը սխալվում է, որ շատ շուտով ամեն ինչ կկարգավորվի եւ հարցերը կավարտվեն:

- Վրաստանի յուրաքանչյուր քաղաքացի եւ առաջին հերթին բարձրագույն քաղաքական պաշտոնյաները պարտական ենք հարգել եւ պաշտպանել մեր երկրի հիմնական օրենքը կամ Սահմանադրությունը: Իհարկե, շատ ցավալի է, որ խոսում ենք նման թեմաների շուրջ, երբ մեր երկիրն ու բնակչությունն ունեն բավականին մարտահրավերներ ու խնդիրներ՝ կապված սոցիալ-տնտեսական, տարածաշրջանային այլ

բարդ գործընթացների հետ: Ցավոք, կարծում եմ, Վրաստանի նախագահը մոլորության մեջ է: Կուզենայի հավատալ, որ նա հայտնվել է թյուրիմացության մեջ: Հույս եմ հայտնում նաեւ, որ, ամեն ինչ, հավանաբար, շատ արագ կպարզվի, եւ առաջադրվող հարցերն այլեւս չեն բարձրաձայնվի,- ասաց լրագրողներին Իրակլի Դարիբաշվիլին:

ՀԱՄԱԳՈՐԾԱԿՑՈՒԹՅՈՒՆ

ՀՈՒՄԱՆԻՏԱՐ ԵՎ ԻՐԱՎԱԿԱՆ ԻՐԱՎԻՃԱԿԸ ՎՐԱՍՏԱՆԻ ԲՈՒԱԶՆԱՎԹՎԱԾ ՏԱՐԱԾՔՆԵՐՈՒՄ

Մարտի 17-ին, Վրաստանի հաշտեցման եւ քաղաքացիական իրավահավասարության հարցերի պետնախարար Թեա Ախլեդիանին հանդիպեց Վրաստանում ՄԱԿ-ի զարգացման ծրագրի մշտական ներկայացուցիչ Նիկ Բերեսֆորդի հետ:



Հանդիպմանը կողմերը մանրամասն քննարկեցին Վրաստանի օկուպացված շրջաններում մարդասիրական եւ իրավական իրավիճակը:

Պետնախարարը վերահաստատեց ՄԱԿ-ի դերի եւ ակտիվ ներգրավվածության կարևորությունը՝ հակամարտության խաղաղ կարգավորման, ներառյալ հաշտեցման եւ արհեստականորեն բաժանված համայնքի միջեւ վստահության վերա-

կանգնման գործում:

Նիկ Բերեսֆորդը, իր հերթին, շատ դրական գնահատեց վրացական կողմի ջանքերը եւ լիակատար պատրաստակամությունը հայտնեց պետական նախարարի գրասենյակի հետ հետագա սերտ համագործակցության համար:

ՀԱՅԱՍՏԱՆ

ՎԱՀԱԳՆ ԽԱՉԱՏՈՒՅԱՆԸ ԵՐՐՄԱՄԲ ՄՏԱՆՁՆԵՅ ՀԱՅԱՍՏԱՆԻ ՆԱԽԱԳԱՀԻ ՊԱՇՏՈՆԸ

Մարտի 13-ին, Երեւանի Կարեն Դեմիրճյանի անվան մարզահամերգային համալիրում կայացավ Հայաստանի Ազգային ժողովի (ԱԺ) հատուկ նիստ, որտեղ Վահագն Խաչատուրյանը երդմամբ ստանձնեց Հայաստանի



Հանրապետության նախագահի պաշտոնը:

Նիստը վարեց ԱԺ նախագահի լիազորությունները կատարող ԱԺ փոխնախագահ Հակոբ Արշակյանը:

Վահագն Խաչատուրյանը, ձեռքը դնելով Վեհամոր Ավետարանի եւ Հայաստանի Սահմանադրության վրա, երդվեց. «Ստանձնելով Հանրապետության նախագահի պաշտոնը՝ երդվում եմ հա-

վատարիմ լինել Հայաստանի Հանրապետության Սահմանադրությանը, իմ լիազորություններն իրականացնելիս լինել անաչառ, առաջնորդվել միայն համապետական եւ համազգային շահերով եւ իմ ողջ ուժը ներդնել ազգային միասնության ամրապնդման գործին»:

(Շարունակությունը՝ 7-րդ էջում)

ԵՎՐԱՒՆՏԵՐՈՒՄ

ԽՈՐՀՐԱՐԱՆԸ ՀԱՍՏԱՏԵՅ ԵՎՐԱՄԻՈՒԹՅԱՆ ՎՐԱՍՏԱՆԻ ԱՆՊԱՄԱԿՈՒԹՅԱՆ ԲԱՆԱԶԵՎԸ

Մարտի 15-ին, Վրաստանի խորհրդարանը միաձայն հավանություն տվեց՝ «Վրացական երազանք» խմբակցության կողմից ներկայացված Եվրամիությանն իմնագրվելու վերաբերյալ բանաձեռնային կողմ է քվեարկել 111 պատգամավոր, դեմ չի եղել ոչ մեկը:



«Վրացական երազանք» խմբակցության կողմից Եվրամիությանն իմնագրվելու վերաբերյալ ներկայացված բանաձեռնը կոչ է անում գործադիր իշխանություններին՝ ակտիվացնել իրենց ջանքերը Վրաստանի Եվրամիությանն իմնագրվելու եւ Վրաստանի ու

Եվրամիության միջեւ Ասոցացման համաձայնագրի իրագործման ուղղությամբ, Վրաստանի Եվրամիությանն անդամակցությանը պատշաճ կերպով նախապատրաստելու, ակտիվորեն ներգրավելու Եվրամիության եւ գոր-

(Շարունակությունը՝ 2-րդ էջում)

ՈԱԶՄԱԿԱՆ ՀԱԿԱՄԱՐՏՈՒԹՅՈՒՆ

ԶԳԶԳՎՈՂ ՊԱՏԵՐԱԶՄ ՈՒԿՐԱԻՆԱՅՈՒՄ

Արդեն երրորդ շաբաթն է, ինչ Ուկրաինայում շարունակվում են ռազմական ընդհարումները: Ռազմական փորձագետների գնահատմամբ՝ ռուս-ուկրաինական պատերազմական գործողություններն էլ ավելի կակտիվանան: Նրանց խոսքով՝ ռուսական հրամանատարությունը փոխում է ռազմավարությունն ու զխավոր հարվածն ուղղում դեպի երկրի արեւելյան եւ հարավային ուղղություններ: Ինչ վերաբերում է մեծ քաղաքներին, ապա դրանք վերահսկվում են ուկրաինական զինուժի կողմից: Ռուսական զորքերը ներխուժել են Մարիուպոլ, շրջափակել են Նիկոլաև, Խարկով քաղաքները, կիսաշրջապատման մեջ է գտնվում մայրաքաղաք Կիևը: Մարտնչող երկու կողմերը տվել են հազարավոր զոհեր: Զոհվածներ եւ վիրավորներ կան նաեւ խաղաղ բնակչության շրջանում:

ՕԳՆՈՒԹՅՈՒՆ ՈՒԿՐԱԻՆԱՅԻ ԲՆԱԿԶՈՒԹՅԱՆԸ

Վրաստանը տարբեր ոլորտներում շարունակում է Ուկրաինայի բնակչության օգնությունը:

Ինչպես հայտարարել է Վրաս-

(Շարունակությունը՝ 2-րդ էջում)

ԵՎՐԱՒՆՏԵԳՐՈՒՄ

ԽՈՐՀՐԴԱՐԱՆԸ ՀԱՍՏԱՏԵՑ ԵՎՐԱՄԻՈՒԹՅԱՆԸ ՎՐԱՍՏԱՆԻ ԱՆԴԱՄԱԿՅՈՒԹՅԱՆ ԲԱՆԱՁԵՎԸ

(Սկիզբը՝ 1-ին էջում)

ժողովներ երկրների հետ նախագծերի իրականացմանը, որոնք կխորացնեն Վրաստան-Եվրամիություն տրանսպորտային կապերը, ինչպես նաև Վրաստանի ու նրա գործընկեր երկրների, այդ թվում՝ Սեւ ծովի միջև, տրանսպորտային կապերի զարգացումը:

Ողջունելով 2017 թվականին Եվրամիության հետ վիզային ռեժիմի ազատականացման հաստատումը եւ Վրաստանի քաղաքացիների՝ առանց այցեգրի Շենգենյան տարածք մեկնելու հնարավորությունը՝ բանաձեռում կոչ է արվում Վրաստանի իշխանություններին՝ շարունակել ակտիվ համագործակցությունը ինչպես Եվրամիության կառույցների, այնպես էլ՝ Եվրամիության/Շենգենյան տարածքի անդամ պետությունների հետ՝ առանց այցեգրի երթևեկության անխափան գործունեության եւ Եվրամիության տարածքում Վրաստանի քաղաքացիներին օրինական աշխատանքի տեղավորելու նպատակով:

Միաժամանակ, Եվրամիության անդամ երկրներին եւ Եվրամիության կառույցներին կոչ է արվում՝ ձեռնարկել բոլոր անհրաժեշտ քայլերը՝ Եվրամիության պայմանագրի 49-րդ հոդվածի համաձայն, արագացնել Վրաստանի անդամակցությունը Եվրամիությանը՝ Եվրոպական հեռանկարին համապատասխան:

«Կոչ ենք անում Եվրամիությանը՝ բարձր մակարդակով ներգրավվել Վրաստանի տարածքային ամբողջականության եւ ինքնիշխանության ամրապնդ-

ման, ինչպես նաև Վրաստանում եւ տարածաշրջանում խաղաղության եւ կայունության հաստատման գործին, ինչպես նաև ակտիվացնել իրենց ջանքերը՝ վերահսկելու 2008 թվականի օգոստոսի 12-ի զինադադարի ամբողջական կատարումը:

Կոչ ենք անում Եվրամիությանը՝ երաշխավորել, որ 2020 թվականի դեկտեմբերի 7-ին Եվրամիության Արտաքին հարաբերությունների խորհրդի կողմից ընդունված որոշումը՝ Վրաստանի օկուպացված տարածքներում մարդու իրավունքների ոտնահարման դեմ Եվրամիության գլոբալ պատժամիջոցների սահմանման վերաբերյալ, տարածվի՝ օկուպացված տարածքներում մարդու իրավունքների խախտման համար պատասխանատու անձանց վրա:

Կոչ ենք անում Եվրամիության անդամ երկրներին եւ Եվրամիության կառույցներին՝ ձեռնարկել բոլոր անհրաժեշտ քայլերը՝ Եվրամիության պայմանագրի 49-րդ հոդվածի համաձայն, արագացնելու Վրաստանի անդամակցությունը Եվրամիությանը՝ Եվրոպական հեռանկարին համահունչ»,- ասված է բանաձեռի տեքստում:

Հիշեցնենք, որ այս տարվա մարտի 2-ին, «Վրացական երազանքի» նախագահ Իրակլի Կոբախիձեն հայտարարել էր, որ Վրաստանն արագացված կարգով դիմում է Եվրամիությանը՝ թեկնածուի կարգավիճակ ստանալու համար: Վարչապետ Իրակլի Դարիբաշվիլին մարտի 3-ին ստորագրել է Եվրամիությանն անդամակցվելու Վրաստանի դիմումը:

ՖԻՆԱՆՍԱԿԱՆ ԿԱՆԽԱԳԾՈՒՄՆԵՐ

ԱՆՍԻՆՈՒԹՅԱՆ «ՃԳՆԱԺԱՍԸ ՀԱՂԹԱՅԱՐՎԵԼ Է, ԼԱՐԻԻ ԿՈՒՐՍԸ ԱՄՐԱՆՈՒՄ Է»

Ինչպես հայտարարեց Վրաստանի ֆինանսների նախարար Լաշա Խուցիշվիլին՝ ազգային տարադրամի կուրսի հարցով խուճապն անհիմն է, քանի որ նկատելի է լարիի ամրապնդման դրական միտումը:

Հիշեցնենք, որ դեռ մարտի 10-ին, Ազգային բանկի կողմից սահմանվեց դոլարի համեմատ՝ 3,4 լարիին համարժեք կուրս: Իսկ հաջորդ օրը այն հասցվեց 3,3 լարի: Այդ ժամանակ Ազգային բանկի ղեկավար Կոբա Գվեմետաձեն հայտարարեց, որ լարին գործնականում հաղթահարեց ֆինանսական շուկայի բացասական սպասելիքները:

Երկրի գլխավոր ֆինանսիստ Լաշա Խուցիշվիլու խոսքով՝ Ուկրաինայում ծավալված իրադարձությունները, բնականաբար, ազդեցություն են գործում Վրաստանի էկոնոմիկայի վրա, թեև այդ ազդեցությունը չի կարող ընդունել այն ծավալը, որը վավերացվեց մարտի 10-ին լարիի կուրսի վրա: Նախարարի խոսքով՝ տվյալ պարագայում դժվար է կանխագուշակել իրադարձությունները, քանի որ աշխարհաքաղաքական իրավիճակն արագ փոփոխվում է, թեպետ Վրաստանի իշխանություններն ունեն որոշակի ծրագիր:

- Մենք մշակել ենք մի քանի սցենարներ, թե ինչպես հնարավոր կլինի փոխել ու պահպանել երկիր փոխանցված գումարները: Վրաստանի կառավարությունն այդ ուղղությամբ աշխատում է,- ասաց Լաշա Խուցիշվիլին:

Հատկանշական է այն փաստը, որ, ֆինանսական հեղինակային վերլուծական կազմակերպությունների կանխատեսումներով, Ուկրաինայում ծավալված իրադարձությունների կապակցությամբ՝ Վրաստանում տնտեսական իրավիճակը կբարդանա եւ ֆինանսական ցուցանիշները կնվազեն: Ըստ փորձագետների կանխագծումների՝ ամեն ինչ կախված կլինի Ուկրաինայում ծավալված իրադարձությունների տեւողությունից: Այսպես, եթե Ուկրաինայում ռուսական հա-



տ ու կ գործողությունը շարունակվի 1-2 ամիս, ապա, կանխագծումների համաձայն, Վրաստանում տնտեսական աճը ծրագրված 5-ի դիմաց կկազմի 3 տոկոս, արժեզրկումը՝ 7 տոկոսի շրջանակներում, իսկ դոլարի համեմատ լարիի համարժեքը կկազմի 3,25 լարի: Սակայն, եթե ռազմական գործողությունները շարունակվեն եւ Ռուսաստանի նկատմամբ պատժամիջոցները խստացվեն, ապա Վրաստանում բացառված չէ՝ վավերացվի մեկ տոկոսի տնտեսական անկում, արժեզրկումը կհասնի 9 տոկոսի, իսկ դոլարի համեմատ լարիի համարժեքը՝ 3,4-ի: Փորձագետների հավաստմամբ՝ ռազմական գործողությունների արագ ավարտման դեպքում, երկրում համախառն ներքին արտադրանքի աճը կնվազի մինչեւ 3,4-4 տոկոս, արժեզրկումը կկազմի 3 տոկոս, իսկ դոլար-լարի հարաբերակցությունը՝ 3,25: Այդ դեպքում, ըստ փորձագետների, արդեն 2023 թվականին երկրի էկոնոմիկան կկարգավորվի:

Վերլուծաբան ֆինանսիստները համալարծիք են նրանում, որ եթե ռազմական գործողությունները շարունակվեն երեք ամիս եւ ավելի, այդ դեպքում իրենց բացասական դերը կկատարեն արտաքին գործոնները: Վրաստանի էկոնոմիկայի աճը տարվա ընթացքում կկազմի 0,5 տոկոս, արժեզրկումը կհասնի 10, իսկ դոլարի համեմատ լարիի համարժեքը կկազմի 3,5 լարի:

ՈԱԶՄԱԿԱՆ ՀԱՎԱՄԱՐՏՈՒԹՅՈՒՆ

ԶԳԶԳՎՈՂ ՊԱՏԵՐԱԶՄ ՈՒԿՐԱԻՆԱՅՈՒՄ

(Սկիզբը՝ 1-ին էջում)

տանի վարչապետ Իրակլի Դարիբաշվիլին, Ուկրաինայում ռազմական գործողությունների ծավալման առաջին իսկ շաբաթվա ընթացքում Վրաստանից Ուկրաինա էր առաքվել 140 տոննա բեռ: Անցած օրերի ընթացքում Վրաստանից առաքված հումանիտար բեռը հասավ գրեթե 3 հազար տոննայի: Եղբայրական ժողովրդին օգնության կարգով առաքվում են դեղորայք, բժշկական սարքավորումներ, սննդամթերք, հագուստ, հիգիենիկ միջոցներ: Որպես օգնություն՝ Վրաստանի շուրջ 2 հազար քաղաքացիներ պատրաստակամություն են հայտնել Ուկրաինային հատկացնել արյուն: Այս նախաձեռնությամբ առաջինը հանդես եկան երկրի խորհրդարանի պատգամավորները: Արդեն 65 պատգամավոր արյուն է հանձնել՝ հօգուտ Ուկրաինայի: Կամավոր դոնոր դառնալ ցանկացողները կարող են զանգահարել՝ 15-05 թեթ գծի հեռախոսահամարով կամ գրանցվել՝ don.moh.gov.ge կայքէջում:

Ուկրաինայի համար հումանիտար օգնության մոբիլիզացումն իրականացվում է ակտիվ տեմպերով: Վրաստանի այլ երկրամասների թվում դրան ակտիվ ներգրավվել են Ախալքալաքի, Նինոծմինդայի, Ախալցխի, Ծալկայի, Թեթրիժղարայի եւ մյուս մունիցիպալիտետների բնակիչները: Սննդամթերքով եւ հագուստով բեռնված ավտոմեքենաների շարասյուներն այդ մունիցիպալիտետներից հումանիտար բեռը տեղափոխում են Թբիլիսի, որտեղից իրականացվում է դրանց առաքումը Ուկրաինա:

ՎԱՍԻՍԻՐ ԶԵԼԵՆՍԿԻ. «ԵԿԵՔ ԸՆԴՈՒՆԵՆՔ, ՈՐ ՈՒԿՐԱԻՆԱՆ ԶԻ ԿԱՐՈՂ ԱՆԴԱՄԱԿԿՑԵԼ ՆԱՏՕ-ԻՆ»

Մարտի 15-ին, Ուկրաինայի նախագահ Վլադիմիր Զելենսկին՝ Միավորված Էքսպեդիցիոն ուժերի անդամ երկրների ղեկավարների հանդիպմանը, հայտարարեց, որ պետք է ընդունել փաստը, որ Ուկրաինան չի դառնա ՆԱՏՕ-ի անդամ:

- Հասկանալի է, որ Ուկրաինան ՆԱՏՕ-ի անդամ չէ: Մենք դա հասկանում ենք, մենք խելամիտ մարդիկ ենք: Տարիներ շարունակ լսել ենք, այսպես կոչված, բաց դռ-

ների մասին, բայց արդեն լսել ենք նաև, որ ՆԱՏՕ չենք մտնելու: Դա ճիշտ է, եւ դա պետք է ընդունել,- մշեց նա:

Ուկրաինայի նախագահն ասել է, որ Կիեւին անհրաժեշտ են արեւմտյան երկրների հետ փոխգործակցության մոր ձեւաչափեր եւ՝ անվտանգության առանձին երաշխիքներ:

ՀԱՄԱՇԽԱՐՀԱՅԻՆ ՊԱՏԺԱՄԻՋՈՑՆԵՐԸ ՊԱՏԵՐԱԶՄԸ ԶԿԱՆՔՆԵՐԻՆ

Ինչպես հայտարարեց Եվրոպայի խորհրդի նախագահ Շառլ Միշելը՝ Եվրամիությունը պետք է սթափ մոտեցում ցուցաբերի ռուս-ուկրաինական հակամարտության կարգավորման հարցում:

- Մի կողմից դրանք խիստ պատժամիջոցներ են, եւ մենք կշարունակենք մոր, անմախաղեպ պատժամիջոցների մշակումը: Մյուս կողմից, համոզված եմ, որ միայն երկխոսությամբ հնարավոր կլինի կարգավորել այն: Փաստ է, որ, մինչ օրս կիրարկված պատժամիջոցները չհանգեցրին ռազմական դիմակայության դադարեցմանը: Համոզված եմ, որ միայն դիվանագիտական ուղիով հնարավոր կլինի գտնել հաշտեցման իրական ուղին,- հայտարարեց Շառլ Միշելը:

ՄԱՐԻՆԱ ՕԿՍՅԱՆՆԻԿՈՎԱ. «ԱՐԱԾԻ ՀԱՄԱՐ ԶԵՄ ԶՂՋՈՒՄ»

Մարտի 15-ին, ռուսաստանյան Առաջին ալիքի «Վրեմյա» ինֆորմացիոն տեղեկատվական ծրագրի ուղիղ



եթերի ժամանակ, հակապատերազմական պաստառը ձեռքին, տաղավարում հայտնվեց հեռուստաընկերության խմբագիրներից մեկը՝ Մարինա Օվսյաննիկովան: Այդ քայլով լրագրողն իր քննադատական վերաբերմունքը ցուցաբերեց Ուկրաինայում Ռուսաստանի ագրեսիվ գործողությունների եւ Առաջին ալիքի կեղծ քարոզչության դեմ:

Նշենք, որ Ռուսաստանի հետաքննչական կոմիտեն քրեական գործ է հարուցել Մարինա Օվսյաննիկովայի դեմ: Իր հերթին, Մարինա Օվսյաննիկովան չի զղջում կատարածի համար, մշելով, որ դա համարում է իր քաղաքացիական պարտքը:

ՈՒԿՐԱԻՆԱԿԱՆ ՈԱՂԱՅԻ 20 ՊԱՏԳԱՄԱՎՈՐՆԵՐ ԼՔԵԼ ԵՆ ԵՐԿԻՐԸ

Ուկրաինական Ռադայի շուրջ 20 ժողովրդական ընտրյալներ լքել են երկիրը: Այդ մասին հայտարարեց Գերագույն Ռադայի առաջին փոխխոսնակ Ալեքսանդր Կորնիլենկոն: Նրա խոսքով՝ դրանք այն պատգամավորներն են, ովքեր մինչ այդ էլ համոզեւ էին գալիս հակահայրենասիրական դիրքերից: Փոխխոսնակը նշեց, որ նրանց ազգանուններն արդեն հայտնի են եւ անվտանգության ծառայությունն ուսումնասիրում է նրանց պատասխանատվության հարցը:

ՈՒՄԱՍՏԱՆԸ ՀԵՌԱՅՎԵՑ ԵՎՐԱՄԻՈՐՈՐԴԻՑ

Եվրախորհրդի նախարարների կոմիտեն Ռուսաստանը հեռացրել է Եվրախորհրդի կազմից:

Այսպիսով, Եվրախորհրդին անդամակցելուց 26 տարի հետո, դադարեցվել է Ռուսաստանի իրավասությունը կազմակերպությունում: Ավելի վաղ՝ Եվրախորհրդի խորհրդարանական վեհաժողովը կողմ էր արտահայտվել Ռուսաստանի անդամակցության կասեցմանը: Որոշումն ընդունվել է՝ 216 կողմ, ոչ մի դեմ ձայների հարաբերակցությամբ: Դրանց թվում որոշմանը աջակցել է վրացական պատվիրակությունը:

Եվրոպայի խորհուրդը դադարեցրել է նաև հարաբերությունները Բելառուսի հետ: Դրա պատճառ է համարում Բելառուսի ակտիվ մասնակցությունը Ուկրաինայի դեմ շարունակվող ռուսական ագրեսիային:

Պատրաստեց ՅՈՒՐԻ ԽՈՐԵՆՅԱՆԸ

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՎՐԱՍՏԱՆ - ԼԵՂԱՍՏԱՆ

ԸՆԴՈՒՄ ԵՎ ԻՐԱԿԱՆՈՒԹՅԱՆ ՀԱՆՈՒՄՆԵՐԻ ՊԱՏՄԱՍՏԱԿԱՆՈՒԹՅՈՒՆԸ



Մարտի 17-ին, Բաթումիում, կայացավ Վրաստանի վարչապետ Իրակլի Դարիբաշվիլու եւ Կիւնից ժամանած, Լեհաստանի վարչապետ Մատեուշ Մորավեցկու հանդիպումը:

Կատարվում էր Վրաստանի վարչապետ Իրակլի Դարիբաշվիլին հայտարարեց, որ, Լեհաստանի վարչապետ Մատեուշ Մորավեցկու հետ հանդիպման ժամանակ, ծավալուն զրույց է ունեցել Վրաստանի՝ Եվրամիությանն անդամակցելու դիմումի շուրջ:

Նրա խոսքով՝ այս դիմումը պատմական քայլ է եւ վրաց ժողովրդի ընտրությունն է, դա միայն Վրաստանի կառավարության որոշումը չէ, դա բնակչության, ժողովրդի ընտրությունն է:

Իր հերթին, Լեհաստանի վարչապետը համոզմունք հայտնեց, որ Վրաստանի տեղը Եվրամիությունում է, եւ Լեհաստանը մշտապես կաջակցի անդամակցության գործընթացի արագացմանը:

- Լեհաստանը դեռ աջակցում է եւ կշարունակի աջակցել Վրաստանին դեպի Եվրամիություն իր ճանապարհին: Մենք հանգստացնում ենք, որ յուրաքանչյուր երկիր իրավունք ունի ընտրելու իր ուզած ճանապարհը, եւ, հետեւաբար, ես ուզում եմ ընդգծել, որ Վրաստանի տեղը Եվրամիությունում է,- հայտարարեց Մատեուշ Մորավեցկին:

Նշենք, որ, Լեհաստանի վարչապետի այցի շրջանակներում, Իրակլի Դարիբաշվիլին եւ Մատեուշ Մորավեցկին մասնակցեցին Բաթումիում Վրաստանի ազգային հերոս, Լեհաստանի նախկին նախագահ Լեխ Կաչինսկու հուշարձանի բացման արարողությանը:



ԿԱՆՑԿԱՑՎԵՆ ՎՐԱՍՏԱՆ-ՆԱՏՕ ՉԱՄԱՏԵՂ ԶՈՐԱՎԱՐԺՈՒԹՅՈՒՆՆԵՐ

Մարտի 20-25-ը, Վրաստանի պաշտպանության ուժերը, ՆԱՏՕ-ի ուժերի հետ համատեղ, զորավարություններ կանցկացնեն ՆԱՏՕ-Վրաստան ուսուցման եւ գնահատման կենտրոնում (JTEC):

Համաձայնագրաբար պայմանագրով անցկացվում է ՆԱՏՕ-Վրաստան առկա փաթեթի (SNGP) շրջանակներում: ՆԱՏՕ-Վրաստան առաջին զորավարությունն անցկացվել է 2016 թվականին:

Բազմազգ զորավարություններին կմասնակցեն ՆԱՏՕ-ի անդամ եւ գործընկեր 23 երկրների ներկայացուցիչներ:

ՎՐԱՍՏԱՆԻ ՊԱՇՏՊԱՆՈՒԹՅԱՆ ՆԱԽԱՐԱՐԸ՝ ՆԱՏՕ-Ի ՄԻՆԻՍՏԵՐԻԱԼՈՒՄ

Վրաստանի պաշտպանության նախարար Զուրաբ Բուրժուլաձեն, Բրյուսելում մասնակցեց ՆԱՏՕ-ի կենտրոնականում անցկացված Հյուսիսատլանտյան խորհրդի նիստին, որին մասնակցում էին նաեւ Ուկրաինայի, Ֆինլանդիայի, Շվեդիայի պաշտպանության նախարարները եւ ԵՄ-ի ներկայացուցիչը: Նիստը բացեց ՆԱՏՕ-ի գլխավոր քարտուղար Ենս Ստոլտենբերգը:

Հանդիպմանը քննարկվել է անվտանգության միջավայրը, այդ թվում՝ Ուկրաինայի հետ միասին Վրաստանի առջեւ ծառացած մարտահրավերները:

ԿԵՆՍԱԿԱՆ ՆՎԱԶԱԳՈՒՅՆԻ ՄԱԿԱՐԴԱԿԸ ԱՃԵԼ Է

Վրաստանի ազգային վիճակագրական ծառայության մարտի 17-ի տվյալներով՝ աշխատունակ տղամարդկանց կենսական նվազագույնի մակարդակը՝ փետրվարին կազմել է 231,3 լարի, ինչը՝ 34,1 լարիով կամ 17 տոկոսով ավելի է նախորդ տարվա կենսապահովման մակարդակից:

Կենսական նվազագույնի մակարդակի բարձրացումը կապված է բարձր գնաճի հետ, քանի որ փետրվար ամսին երկրում գրանցվել է վերջին 10 տարում գնաճի ամենաբարձր ցուցանիշներից մեկը՝ 13,7 տոկոս:

Հատկանշական է, որ հատկապես բարձր է պարենային խմբում տարեկան թանկացումը՝ 17,3 տոկոս:

Նվազագույն պարենային զանքայնը ներառում է 40 ապրանք: Սննդի ծախսերի տեսակարար կշիռը կենսապահովման ծախսերում կազմում է 70 տոկոս, իսկ ոչ պարենային ծախսերինը՝ 30 տոկոս:

ՍՈՑԻԱԼԱԿԱՆ

ԿԵՆՍԱԹՈՇԱԿԱՅԻՆ ՀԻՄՆԱԴՐԱՄԸ՝ ԵՐԿԱՐԱԺԱՄԿԵՆ ՆԵՐԴՐՈՒՄԱՅԻՆ ԱՐԲՅՈՒՐ

Մարտի 15-ին, Վրաստանի վարչապետ Իրակլի Դարիբաշվիլին հանդիպում ունեցավ Կենսաթոշակային հիմնադրամի ներդրումային խորհրդի անդամների հետ:

Հանդիպմանը քննարկվեց Կենսաթոշակային հիմնադրամի դերը Վրաստանի տնտեսության զարգացման գործում եւ ընդգծվեց երկարաժամկետ ներդրումային աղբյուրների կառուցողությունն այդ առումով: Քննարկվեցին նաեւ անցած ժամանակահատվածի արդյունքներն ու ապագա անելիքները:

Խորհրդի անդամները ներկայացրին օրենսդրական բարելավման նախաձեռնություններ: Նշվեց, որ այս ուղղությամբ հիմնադրամն ակտիվ աշխատում է Վրաստանի կառավարության հետ՝ հետազայում Հիմնադրամի ներդրումային գործունեությունը առավել արդյունավետ դարձնելու համար:

Կենսաթոշակային հիմնադրամը կարելու է խաղում երկրի տնտեսության զարգացման գործում: Մասնավորապես, երկրում առաջանում է լարիի երկարաժամկետ ներդրումային կապիտալ, ինչը կարելու է երկարաժամկետ ներդրումային ծրագրերի իրականացման համար:

Ընդհանուր ակտիվների արժեքը կազմում է 2,17 մլրդ լա-



րի, որից ներդրումային գործունեության գծով հաշվեգրված տոկոսները կազմում են 309 մլն լարի: Տարեկան արդյունավետ եկամտաբերությունը ներկայումս կազմում է 11,6 տոկոս, իսկ Հիմնադրամի գործողության օրվանից եկամտաբերությունը 34 տոկոս է: Այսօրվա դրությամբ՝ դրամական միջոցներն ամբողջությամբ ավանդադրված են 8 առևտրային բանկերում եւ լարիով արտահայտված գործարքներում, որտեղ ակտիվների 62 տոկոսը գտնվում է ավանդային վկայագրերում, իսկ 38 տոկոսը՝ ընթացիկ տոկոսային հաշիվներում:

60-80 ՏՈԿՈՍՈՎ ՆՎԱԶ ԳՆԵՐՈՎ ՆԵՐԿՐՎՈՂ ԴԵՂԱՄԻՋՈՑՆԵՐԸ ԱՐԴԵՆ ՎԱՃԱՌՎՈՒՄ ԵՆ

Ինչպես արդեն հաղորդել ենք, Վրաստանի վարչապետ Իրակլի Դարիբաշվիլու նախաձեռնությամբ, կոնկրետ քայլեր իրականացվեցին Վրաստանի համար թուրքիայի դեղագործական շուկայի բացման եւ այնտեղից էժան դեղամիջոցներ ներկրելու ուղղությամբ:

Ի կատարումն վերոնշյալ նախաձեռնության, թուրքական դեղագործական շուկայի բացման արդյունքում, այս փուլում, թուրքիայից ներկրվել է ավելի քան 30 տեսակի դեղամիջոց, որոնց գները իջեցվել են 60-ից 80 տոկոս:

Վրաստանի կառավարությունը իրապարակում է ներկրված դեղերի ցանկը. «Գալվուս մետ»՝ դեղահատ 50 մգ + 1000

մգ, «Յանուվիա»՝ դեղահատ 100 մգ, «Յանուվետ»՝ դեղահատ 50 մգ + 1000 մգ, «Ինտուլին լանտուս»՝ solostar ներարկման լուծույթ, 100 IU / 1 մլ 3 մլ ներարկիչ-գրիչ, «Ֆորսիգա»՝ դեղահատ 10 մգ, «Ատականդ»՝ դեղահատ 16 մգ, «Բրիլիանտ»՝ դեղահատ 90 մգ, «Դիոլան»՝ դեղահատ 160 մգ, «Կո-Դիոլան»՝ դեղահատ 160 մգ + 12,5 մգ, «Կոնկոր»՝ դեղահատ 10 մգ, «Կրես-

տոր»՝ դեղահատ 20 մգ, «Տենորետիկ»՝ դեղահատ 100 մգ + 25 մգ, «Ալկաստա»՝ ինֆուզիոն լուծույթ 5 մգ / 100 մլ սրվակ, «Ուտարեն էնուլգել»՝ գել 1% 50 գ, «Արիմիդեքս»՝ դեղահատ 1 մգ, «Սիմբիկորտ տուրբոհալեր»՝ փոշի ինհալացիոն 160 մկգ + 4,5 մկգ / 1 դոզա 60 դոզայի սրվակ:

Միաժամանակ տեղեկատվության մեջ նշված է, որ թուրքիայից ներկրվող որակյալ եւ մատչելի դեղերի ցանկն աստիճանաբար մեծանում է, եւ դրանք հնարավոր կլինի գնել ամբողջ Վրաստանի դեղատների ցանցերից:

ՎՐԱՍՏԱՆԻ ԱԳՆ-Ի ՀԱՅՏԱՐԱՐՈՒԹՅՈՒՆԸ

ԱՊՕՐԻՆԻ ԸՆՏՐՈՒԹՅՈՒՆՆԵՐ ԱԲԽԱԶԻԱՅՈՒՄ

Մարտի 12-ին, Վրաստանի կենտոնական իշխանության կողմից չվերահսկվող Աբխազիայի ինքնահռչակ հանրապետությունում, անցկացվեցին, այսպես կոչված, խորհրդարանական ընտրություններ: Վրաստանից անջատված Աբխազիայի դե-ֆակտո իշխանությունների տվյալներով՝ խորհրդարանական 35 տեղի համար պայքարում էր 123 թեկնածու: Ընտրություններին մասնակցությունը գերազանցել է 40 տոկոսը: Համաձայն տեղական օրենսդրության՝ ընտրությունները համարվում են կայացած, եթե քվեարկությանը մասնակցում է գրանցված ընտրողների 25 տոկոսը:

Վրաստանի արտաքին գործերի նախարարությունը հանդես եկավ հատուկ հայտարարությամբ, որտեղ անցկացված ընտրություններն անվանեց անօրինական գործողություն՝ ուղղված Վրաստանի ինքնիշխանության եւ տարածքային ամբողջականության դեմ:

«Այս ընտրությունների անցկացումը լիովին հակասում է միջազգային իրավունքի նորմերին ու սկզբունքներին եւ հանդիսանում է Վրաստանի երկու անբաժանելի շրջանների անօրինական օկուպացիան օրինականացնելու հերթական ապարդյուն փորձ: Այն պայմաններում, երբ, էթնիկ զտումների հետեւանքով, Աբխազիայի շրջանից վտարվում են հարյուր հազարավոր փախստա-

կաններ, իսկ օկուպացիոն ուժերը տեղում վերահսկողություն են իրականացնում, նշված ընտրությունները իրավական հետեւանքներ չունեն»,- ասված է նախարարության հայտարարության մեջ:

Վրաստանում ԱՄՆ դեսպանատան տարածած հայտարարությամբ ընդգծված է, որ չի ճանաչում ընտրությունների օրինականությունը եւ դրանց արդյունքները:

«Մեր դիրքորոշումը՝ Աբխազիայի եւ Հարավային Օսեթիայի վերաբերյալ, միանշանակ պարզ է՝ այդ շրջանները Վրաստանի անբաժանելի մասն են: Ըստ այդմ, մենք վերահաստատում ենք մեր ամուր աջակցությունը Վրաստանի ինքնիշխանությանն ու տարած-

քային ամբողջականությանը միջազգայնորեն ճանաչված սահմաններում:

Այս հիմնարար սկզբունքներին հավատարիմ մնալն այժմ ավելի կարելու է, քան երբեւէ՝ հատկապես հաշվի առնելով այն փաստը, որ Ռուսաստանը ընտրել է չիրաիրված, անարդար եւ դաժան պատերազմի ուղին Ուկրաինայում»,- ասված է հայտարարության մեջ:

Վրաստանում ԵՄ դեսպան Կարլ Հարցելը եւս մեկ անգամ ընդգծեց, որ չեն ճանաչում ընտրությունները:

- ՆԱՏՕ-ն չի ճանաչում ընտրությունների օրինականությունը, որոնք շաբաթ օրը անցկացվել են Վրաստանի Աբխազիայի շրջանում: Դաշինքը շարունակում է աջակցել Վրաստանի ինքնիշխանությանն ու տարածքային ամբողջականությանը նրա միջազգայնորեն ճանաչված սահմաններում,- հայտարարել է Կովկասում եւ Կենտրոնական Ասիայում ՆԱՏՕ-ի գլխավոր քարտուղարի հատուկ ներկայացուցիչ Խավիեր Կոլոմիան:

Պատրաստեց ՅՈՒՐԻ ԽՈՐԵՆՅԱՆԸ